

**JAVNA USTANOVA
HISTORIJSKI ARHIV SARAJEVO
SARAJEVO**

**PRAVILNIK O
IZMJENAMA I DOPUNAMA PRAVILNIKA O RADU
JAVNE USTANOVE „HISTORIJSKI ARHIV SARAJEVO“**

Sarajevo, april 2023. godine

Na osnovu člana 27. stav 1. alineja 6. i člana 37. Zakona o ustanovama („Sl.list R BiH“, broj 6/92, 8/93 i 13/94) , člana 56. Zakona o arhivskoj djelatnosti („Službene novine Kantona Sarajevo“, broj 50/16), člana 118. Zakona o radu („Službene novine FBiH“, broj: 26/16, 89/18 i 44/22), Zakona o pravima demobiliziranih branilaca i članova njihovih porodica ("Službene novine FBiH", broj 54/19), člana 23. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj 19/21 i 10/22) , Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo ("Službene novine Kantona Sarajevo", broj 37/20), člana 179. Kolektivnog ugovora za djelatnost kulture u Kantonu Sarajevo („Službene Novine Kantona Sarajevo“, broj 10/23), člana 1. i 2. Odluke o Registru zaposlenih u javnom sektoru na području Kantona Sarajevo („Službene novine Kantona Sarajevo“, broj 9/19), člana 19. tačka f) Pravila Javne ustanove“ Historijski arhiv Sarajevo“, broj 02-1222-3/21 od 17.06.2021. godine, nakon obavljene konsultacije sa Sindikalnom organizacijom Javne ustanove „Historijski arhiv Sarajevo“, Upravni odbor na sjednici održanoj 07.04.2023. godine, donio je

**PRAVILNIK O
IZMJENAMA I DOPUNAMA PRAVILNIKA O RADU
JAVNE USTANOVE „HISTORIJSKI ARHIV SARAJEVO“**

Član 1.

(Izmjene i dopune člana 15.)

U Pravilniku o radu Javne ustanove „Historijski arhiv Sarajevo“, broj 02-1222-5/21 od 17.06.2021. godine, u članu 15. stav (1), tačka a) mijenja se i glasi:

„ a) otkaza sa ponudom izmjenjenog ugovora o radu, u skladu sa Zakonom o radu („Službene novine FBiH“, broj: 26/16 i 89/18) i Pravilnikom o radu Javne ustanove „Historijski arhiv Sarajevo“, osim izmjene u pogledu trajanja ugovora o radu;“.

U stavu (1) tačka c) se briše.

Iza stava (5) dodaje se novi stav (6) koji glasi:

„(6) U slučajevima kada je od strane nadležnog suda donesena pravosnažna sudska presuda, zaključena sudska ili vansudska nagodba, neće se provoditi postupak obaveznog javnog oglašavanja za prijem u radni odnos.“

Član 2.

(Izmjene i dopune člana 18.)

U članu 18. stav (5), iza riječi „komisija“ dodaju se riječi : „u zavisnosti od srodnosti zanimanja;“.

U stavu (8), riječi: „prije isteka roka za prijavu“ zamjenjuju se riječima „dan nakon objavljivanja javnog konkursa odnosno oglasa iz člana 16. stav (1) ovog Pravilnika;“.

Član 3.
(Dopuna člana 22.)

U članu 22. dodaje se novi stav (4) koji glasi:

„(4) Izuzetno od stava (3) ovog člana, u javnim ustanovama iz oblasti kulture, umjesto pismenog i usmenog ispita, u konkursnoj proceduri za radna mjesta koja su u skladu sa propisom koji uređuje pozorišnu djelatnost propisana kao umjetnička zanimanja, provodiće se samo audicija.“

Dosadašnji stav (4) i (5) postaje stav (5) i (6).“

Član 4.
(Izmjena i dopuna člana 23.)

U članu 23. stav (1) iza riječi „Uredu“, brišu se riječi: „za borbu protiv korupcije i upravljanje kvalitetom Kantona Sarajevo (u daljem tekstu: Ured)“.

Iza stava (10) dodaje se novi stav (11) koji glasi:

„(11) Ukoliko poslodavac imenuje dvije ili više komisija, za svaku komisiju će se imenovati supervizor.“

Dosadašnji stav(11) i (12) postaje stav (12) i (13).

Član 5.
(Dopuna člana 25.)

U članu 25. iza stava (3) dodaje se novi stav (4) koji glasi:

„(4) Kantonalna uprava za inspekcijske poslove, Inspektorat rada, zaštite na radu i socijalne zaštite može od dana kada poslodavac objavi javni konkurs/ oglas u dnevnim novinama, do donošenja odluke o prijemu u radni odnos, u slučaju da utvrdi nepravilnosti koje se ne mogu na drugi način otkloniti, poništiti javni konkurs/ oglas.“

Član 6.
(Dopuna člana 27.)

U članu 27. iza stava (3) dodaje se novi stav (4) koji glasi:

„(4) Arhiv je obavezan u javnom pozivu, u skladu sa propisom kojim se uređuje prednost pri zapošljavanju branilaca i članova njihovih porodica u institucijama u Kantonu

Sarajevo, Gradu Sarajevo i općinama sa područja Kantona Sarajevo, navesti dokumente koje je potrebno priložiti , kao dokaz o navedenoj prednosti.“

Član 7.
(Izmjena i dopuna člana 53.)

U Pravilniku o radu Javne ustanove „Historijski arhiv Sarajevo“, broj 02-1222-5/21 od 17.06.2021. godine u članu 53. stav (1) briše se tačka d.

U tački g) umjesto broja : „3“ navodi se broj: „5“.

Dosadašnje tačke e), f), g), h), i) , j), k), l), m), n) postaju tačke d), e), f), g), h), i), j), k), l), m).

Iza nove tačke m), dodaje se tačka n) koja glasi:

n) „u slučaju rastave braka 5 radnih dana“.

U stavu (4) umjesto riječi: „četiri“,navodi se riječ: „šest“.

U stavu (6) umjesto riječi: „tri“ navodi se riječ: „šest“.

Član 2.
(Dopuna člana 54.)

U članu 54. ispred stava (1) koji postaje stav (2), dodaje se novi stav (3) koji glasi:

„(3) Zaposleniku pripada pravo na četiri neplaćena radna dana u jednoj kalendarskoj godini za zadovoljenje vjerskih, odnosno tradicijskih potreba u skladu sa godišnjim kalendarom rada“.

Stavovi 2), 3), 4), 5), 6), 7), 8), i 9) postaju stavovi 3), 4), 5), 6), 7), 8), 9), i 10).

Član 3.
(Izmjena člana 61.)

U članu 61. umjesto brojeva:„40.“ „44.“ navode se brojevi „39.“ „44.“

Član 4.
(Izmjena i dopuna člana 80.)

U članu 80. stav (3) mijenja se i glasi:

„ (3) Privremeni, odnosno povremeni poslovi u smislu stava (1) ovog člana su:

- a) prevod strane stručne i druge literature,
- b) usluge štampanja i umnožavanja internih akata,
- c) izrada , planiranje i realizacija projekata javne i kulturne djelatnosti koji su odobreni putem konkursa, od drugih pravnih subjekata, donatora,
- d) sređivanje arhive i dokumentacije,

- e) održavanje stručnih seminara i predavanja,
- f) postavljanje i čuvanje izložbi,
- g) rad na istraživačkim i drugim projektima,
- h) izrada stručnih elaborata i ekspertiza,
- i) rad u privremenim i stalnim komisijama koje se obrazuju saglasno Zakonu i Pravilniku,
- j) rad na otklanjanju i okončanju zastoja dijela procesa rada,
- k) realizacija programa mentora za osposobljavanje rada pripravnika,
- l) održavanje informatičke opreme (Hardware i Software) ,
- m) za obavljanje određenog posla koji je sezonskog karaktera,
- n) prevoz arhivske i registraturne građe pri preuzimanju od imalaca,
- o) pomoćni poslovi oko smještaja arhivske i registraturne građe u depou,
- p) poslovi oko čišćenja prostorija i opreme većeg obima
- q) čišćenje snijega,
- r) utovar i istovar materijala i opreme,
- s) povećanje obima posla koji traje određeno vrijeme i za vrijeme trajanja tih potreba,
- t) i drugi privremeni i povremeni poslovi koji se mogu svrstati u tu kategoriju „

Član 5.
Izmjena člana 83.

U članu 83. stav (4) vrši se izmjena koeficijenata složenosti posla platnih razreda koji su navedeni u tabeli koja je bila sastavni dio Pravilnika koja glasi:

<u>Naziv radnog mjesta</u>	<u>Stručna sprema</u>	<u>Platni razred</u>	<u>Koeficijent</u>
1. Direktor	VSS	III	6,00
2. Rukovodilac Odsjeka za opće-pravne poslove i zaštitu građe izvan arhiva/sekretar Arhiva	VSS	X	4,80
Rukovodilac Odsjeka za smještaj, korištenje i tehničku zaštitu arhivske građe i knjižnog fonda	VSS	X	4,80
Rukovodilac Odsjeka za sređivanje i obradu arhivske građe	VSS	X	4,80
Rukovodilac Odsjeka za naučno-istraživačku i kulturno-obrazovnu djelatnost	VSS	X	4,80
3. Arhivski savjetnik za nadzor i zaštitu arhivske građe izvan arhiva	VSS	XI	4,60
Arhivski savjetnik za korištenje arhivske građe	VSS	XI	4,60
Arhivski savjetnik za sređivanje i obradu arhivske građe	VSS	XI	4,60
Arhivski savjetnik za rad na naučno- istraživačkim poslovima	VSS	XI	4,60
Arhivski savjetnik za rad na izdavačkoj djelatnosti	VSS	XI	4,60
Arhivski savjetnik za rad na kulturno-obrazovnoj			

i propagandnoj djelatnosti	VSS	XI	4,60
4. Viši arhivist za nadzor i zaštitu arhivske građe izvan arhiva	VSS	XII	4,40
Viši arhivist za korištenje arhivske građe	VSS	XII	4,40
Viši konzervator	VSS	XII	4,40
Viši arhivist za sređivanje i obradu arhivske građe	VSS	XII	4,40
Viši arhivist za rad na naučno-istraživačkim poslovima	VSS	XII	4,40
Viši arhivist za rad na izdavačkoj djelatnosti	VSS	XII	4,40
Viši arhivist za rad na kulturno-obrazovnoj i propagandnoj djelatnosti	VSS	XII	4,40
5. Arhivist za nadzor i zaštitu arhivske građe izvan arhiva	VSS	XIV	4,20
Arhivist za korištenje arhivske građe	VSS	XIV	4,20
Konzervator	VSS	XIV	4,20
Arhivist za sređivanje i obradu arhivske građe	VSS	XIV	4,20
Arhivist za rad na naučno-istraživačkim poslovima	VSS	XIV	4,20
Arhivist za rad na izdavačkoj djelatnosti	VSS	XIV	4,20
Arhivist za rad na kulturno-obrazovnoj i propagandnoj djelatnosti	VSS	XIV	4,20
6. Mlađi arhivist	VSS	XV	4,00
7. Viši arhivski tehničar	VŠS	XVI	3,75
8. Arhivski tehničar	SSS	XVIII	3,50
9. Knjigovezac – nije uvršten u Kolektivni ugovor	SSS		
Preparator	SSS	XIX	3,40
Referent/Administrativni tehničar	SSS	XIX	3,40
Referent za računovodstvo	SSS	XIX	3,40
Referent/ Administrator za arhivsko-računarski informacijski sistem	SSS	XIX	3,40
Domaćin objekta	SSS	XIX	3,40
10. Arhivski manipulant	SSS	XXV	2,70
11. Higijeničar	NSS	XXVI	2,35

Član 6.
(Dodavanje novog člana 99a.)

Iza člana 99. dodaje se novi član 99a. koji glasi:

„Član 99a.

(Naknada za rad u komisijama)

Naknada za rad u komisijama regulisana je članom 94. Kolektivnog ugovora za djelatnost kulture u Kantonu Sarajevo.“.

Član 7.
(Izmjena i dopuna člana 100.)

U članu 100. mijenja se naziv člana i stav (1) i (2) i glasi:

„Član 100.
(Naknada u slučaju smrti zaposlenika ili člana uže porodice)

- (1) U slučaju smrti zaposlenika ili člana njegove uže porodice isplaćuju se troškovi sahrane u visini stvarnih troškova, a najviše u visini četiri prosječne mjesečne plaće isplaćene u Federaciji Bosne i Hercegovine za prethodna tri mjeseca prije donošenja rješenja o isplati te naknade.
- (2) Ukoliko u istoj ustanovi rade dva ili više članova uže porodice pravo na troškove iz prethodnog stava ovog člana ostvaruje jedn član porodice. „

Član 8.
(Izmjena i dopuna člana 101.)

U članu 101. mijenja se naziv člana i stav (1) i (2) i glasi:

„ Član 101.
(Naknada za slučaj teške invalidnosti ili teške bolesti)

- (1) U slučaju nastanka teške invalidnosti ili teške bolesti zaposlenika, ili člana njegove uže porodice, isplaćuje se jednokratna novčana pomoć u visini tri prosječne mjesečne plaće isplaćene u Federaciji Bosne i Hercegovine.
- (2) Zaposleniku će se isplatiti, u visini do tri prosječne mjesečne plaće isplaćene u Federaciji Bosne i Hercegovine za liječenje teške invalidnosti ili teške bolesti u zdravstvenoj ustanovi u kojoj je on platio troškove tog liječenja. Troškovi liječenja isplaćuju se na osnovu fakture ili računa zdravstvenih ustanova u kojima je liječenje obavljeno. „

Član 9.
(Izmjena i dopuna člana 102.)

Član 102. mijenja se i glasi:

- „ (1) Zaposlenik ima pravo na otpremninu prilikom odlaska u penziju u iznosu od pet njegovih plaća isplaćenih u prethodnih pet mjeseci ili pet prosječnih plaća isplaćenih u

Federaciji Bosne i Hercegovine prema posljednjim objavljenom podatku Federalnog zavoda za statistiku, ako je to za njega povoljnije.

(2) Arhiv ima obavezu isplate otpremnine do posljednjeg dana rada zaposlenika u Arhivu.“

Član 10.
(Ostale odredbe Pravilnika)

Ostale odredbe Pravilnika o radu javne ustanove „Historijski arhiv Sarajevo“ , broj 02-1222-5/21 od 17.06.2021. godine koje nisu izmjenjene ovim Pravilnikom, ostaju na snazi.

Član 11.
(Stupanje na snagu Pravilnika)

Ovaj Pravilnik stupa na snagu danom dobijanja Mišljenja Ministarstva kulture i sporta Kantona Sarajevo, a objavit će se u „Službenim novinama Kantona Sarajevo“, na oglasnoj tabli i web stranici Arhiva.


PREDSJEDNIK
UPRAVNOG ODBORA
Sakib Kasapović

Broj:02-885-5/23
Sarajevo, 07.04.2023. godine